




E instituto FEPO ta un fundacion di salud multidisciplinario reconoci pa gobierno dirigi riba diagnostico, reevaluacion y guia di problemanan di oido den tanto adulto como muchanan. Na FEPO ta traha un equipo di expertonan for di varios disciplinan: audiologia, logopedia, trabou social cu apoyo di e secretariado. Tambe tin un otorinolaringologo (Dr. Cabenda) como miembro di e directiva di FEPO. Un otorinolaringologo por referi cliente na FEPO. Sin referencia tambe ta posibel pa haci un prueba di oido, pero AZV no ta cubri esaki. (Mester paga esaki bo mes)

Investigacion di oido

Audometria di tono

Ta traha un audiograma di cada cliente y esaki ta bay den e siguiente manera: Ta emiti tononan cortico pa medio di un audiometro y un headset, mientras ta puntra e cliente si e ta scucha e tono. E akoepedist ta check con abou por emiti e zonido te cu cliente no por scuche mas. Ta prueba tur dos orea separa. Asina un umbral di e zonidonan di varios tono cu e cliente a scucha ta keda estableci. E resultadonan ta poni den un diagrama. Esaki ta un audiograma.



Audiometria verbal

Pa motibo di perdida di oido e capacidad di comprende frasenan papia ta baha. Esaki nos ta yama un disminucion di "entendimiento verbal". Pa haya sa con grandi e perdida di entendimiento verbal en realidad ta, e cliente ta haya via un headset un serie palabranan los pa scucha unda ta puntra pa e cliente ripiti e palabranan mas miho posibel. E palabranan ki ta bira mas suave cada biaha te cu no por comprende nada mas. E resultadonan ki ta poni den un diagrama. Esaki ta un audiograma verbal. Pa medio di e audiograma aki ta clarifica si e cliente lo tin beneficio di e uzo di e aparato di oido. (wak folder facilitacion di aparato di oido)



Investigacion di oido na muchanan Audiometria di wega

Na muchanan desde 2½ aña ta traha un audiograma di tono pa medio di un wega (of esey ta proba na prome instancia). Na fundacion FEPO ta uza un toren di renchi. E mucha ta haya un headset riba su cabes y ta warda te cu un tono zona: despues di esey e mag di tira un renchi rond di e toren.

Visual recompensa audiometria (VRA)

Na muchanan unda no por traha audiometria di wega ta traha un audiogram di campo liber (sin headset) door di siña e mucha pa reacciona riba zonidonan cu ayudo di un sistema di recompensa visual. Ora e mucha reacciona directamente na e zonido door di por ehempel wak un banda pa haya sa for di unda e zonido ta bin, ta recompens'e pa medio di iluminacion di un popchi. Ora e mucha realiza cu e ta haya recompensa door di reacciona riba e zonido, por haci un test confiabel di oido.

Trabou social

Pa trabou social nos por distingui entre guia pa muchanan di 0 pa 18 aña y adultonan.

Guia di adultonan

Banda di investigacion audiologico y reevaluacion, otro trabou di FEPO ta encera guia, apoyo psychosocial, consejo y defensa di interesnan. Mayoria di biaha e trahado social tambe ta implica den e actividadnan aki. Ta ofrece sosten y guia

na e cliente. Intermediacion y guia na trabou di e cliente tambe ta posibel.

Guia di muchanan (0-18 aña)

E trahado social ta duna sosten, informacion y guia na mayornan durante e tratamento di problema di oido na nan yiu. Tambe e trahado social ta e punto di informacion durante henter e proceso pa mayornan, e peuterzaal, e speelschool of e scol di e mucha. Hopi muchanan cu un disminucion di oido ta bay scol regularmente mane otro mucha (kleuter, basis, enz.). E guia social di e muchanan ta cay bou di e trahado social di FEPO. Dependiendo di e grado di audicion y e problemanan cu e trece cu ne, por haci un yamado riba guia ambulante for di e MDC (Multi Disciplinair Centrum di Directie Onderwijs).

Pa mas informacion riba e trabou di e fundacion FEPO por yama e number abou. Pa un investigacion di oido of logopedia por tuma contacto cu e secretaria di e fundacion.



Fundacion FEPO

Engelandstr. 15

Oranjestad

Tel: 583-1016

Email: fepo@setar.aw

Web-site: www.fepo.aw

Logopedia

Kico ta logopedia?

Dor di papia y scucha nos ta comprende otro. Papia ta un trabou di equipo entre bo rosea, stem, nanishi, lenga y lipnan. Band'i esey nos mester por scucha, procesa y comprende. Tambe por tin problemanan riba e tereno di come y bebe. Pensa aki riba e mecanica bocal y gulimento. Dus logopedia ta mas cu les di papia. Pesey ta traha hopi cu otro disciplinanan mane huisarts, dentista of un specialista medico manera un otorinolaringologo.

Kico un logopedista ta haci?

E logopedista por duna guia na problemanan riba e tereno di:

- **stem** - por ehempel ronkera (extenso), afonia
- **habla** - por ehempel problemanan cu articulacion of tartamudea
- **idioma** - por ehempel comprension of produccion di un idioma
- **mechanica bocal** - problemanan cu gulimento of trastorno muscular den e region di e boca
- **oido** - e guia logopedico por consisti di e analisis y aplicacion di e resultadonan di un investigacion of e dunamento di consehonan y instruccion.

Proceso logopedico di guia

Durante un conversacion e origen di e keho ta bin dilanti. Mayoria biaha ta haci e preguntanen na e mayornan dirigi na e muchanan. Na ocasion di e conversacion un investigacion lo tuma luga. Esaki lo ta un prueba of observacion. Despues di e investigacion ta discuti e resultadonan cu e cliente.

Dependiendo di e resultadonan tin e siguiente opcionan:

- conseho pa purba sana e keho na cas, apoyo di e logopedista no ta necesario directamente
- tratamiento ta cuminsa of
- ta referi e cliente na un specialista

Tratamento

E tratamiento ta tuma luga generalmente un biaha pa siman. Tambe ta posibel pa haya tratamiento dos biaha pa siman of un biaha pa luna. Durante tratamiento di muchanan ta haci uso di weganan. E muchanan ta haya un schrift pa hiba cas, den cua tin ehercicio pa nan haci. Generalmente e tratamiento ta dura mey ora. Si ta necesario por cambia e orario di tratamiento pa e cliente.

Costonan

Cu un carta di un dokter of specialista por declara e costonan di ayudo logopedico na AZV, si e cliente tin seguro suplementario. Si e cliente no tin esaki, e mes lo mester paga e costonan.